

ՄԵԾ ԵՂԵՌՆԻ ՏԱՐԵԼԻՅԸ ՄԱՅՐ ԱԹՈՌՈՒՄ

շարականները, որից հետո Վեհափառ Հայրապետը «Հոգւոց» արտասանեց նահատակների հիշատակին:

Նույն օրը, ժամը 11-ին, Մայր տաճարում, Ավագ ս. սեղանի վրա, ս. պատարագ մատուցեց ուխտավորաբար Մայր Աթոռում գտնվող Ռումի-նիայի և Բուղարիայի միացյալ թեմի առաջնորդ գերշ. Տ. Տիրայր արք. Մարտիրոսյանը և հավոր պատշաճի քարոզ խոսեց:

Ս. պատարագին ներկա էր Վեհափառ Հայրապետը՝ շրջապատված Մայրավանքի ողջ միաբանությամբ:

Սրբազան պատարագին իրենց մասնակցությունն էին բերել բազմաթիվ հավատացյալներ և ուխտավորներ ինչպես Հայաստանի տարբեր շրջաններից, այնպես էլ Սփյուռքի գաղթօջախներից:

Ինչպես Եղեռնի հուշարձանի հոգեհանգստյան արարողությունը, նույնպես և Մայր տաճարում մատուցվող պատարագը ուղիղ եթերով հեռարձակվում էր Հայաստանի ողջ տարածքով մեկ՝ ի մխիթարություն և ոգեկոչում ազգիս հայոց:

Հավարտ ս. պատարագի, Նորին Սրբության գլխավորությամբ եկեղեցական թափորն առաջնորդվեց դեպի Մայր տաճարի շրջափակում բարձրացված Մեծ եղեռնի հուշարձան, ուր կատարվեց հոգեհանգստյան հանդիսավոր պաշտոն:

* * *

Նույն օրը, ժամը 15-ին, Ս. Էջմիածնի հոգևոր ճեմարանի ուսանողությունը այցելեց Ծիծեռնակաբերդ և թարմ ծաղիկներ գետեղեց Նահատակաց հուշարձանին:

